

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 53. stav (2) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 46. sjednici, održanoj dana 03.03.2020. godine, d o n o s i

ZAKLJUČAK

o usvajanju Izvještaja o realizaciji Programa utroška sredstava Budžeta za projekte Instituta za zdravlje i sigurnost hrane Zenica u 2019. godini

I.

Usvaja se Izvještaj o realizaciji Programa utroška sredstava Budžeta za projekte Instituta za zdravlje i sigurnost hrane Zenica u 2019. godini, Ministarstva za poljoprivredu, šumarstvo i vodoprivredu i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02-_____/20
Datum, 03.03.2020. godine
Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



I Z V J E Š T A J
O REALIZACIJI PROGRAMA UTROŠKA SREDSTAVA BUDŽETA
ZA PROJEKTE INSTITUTA ZA ZDRAVLJE I SIGURNOST HRANE
ZENICA U 2019. GODINI

Zenica, februar 2020. godine

IZVJEŠTAJ
o realizaciji Programa utroška sredstava Budžeta
za projekte Instituta za zdravlje i sigurnost hrane Zenica u 2019. godini

I Program utroška sredstava za projekte Instituta za zdravlje i sigurnost hrane Zenica

Programom utroška sredstava za projekte Instituta za zdravlje i sigurnost hrane Zenica u 2019. godini koji je usvojen Zaključkom Vlade Zeničko-dobojskog kantona broj: 02-14-13336/19 od 30.08.2019. godine, u Budžetu Zeničko-dobojskog kantona za 2019. godinu planirana su sredstva u iznosu od 200.000,00 KM.

Sredstva su planirana u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Tekući transfer za Institut za zdravlje i sigurnost hrane Zenica za projekte“.

Programom su predviđene slijedeće aktivnosti:

1. Kontrola i praćenje zoonoza na području Zeničko-dobojskog kantona,
2. Razvoj pčelarstva u Zeničko-dobojskom kantonu,
3. Javnozdravstveni aspekt klanja životinja u domaćinstvu,
4. Integracija i održavanje akreditacije laboratorija u skladu sa evropskim normama i standardom BAS EN ISO 17025,
5. Suzbijanje ambrozije na Zeničko-dobojskom kantonu,
6. Održiva upotreba pesticida,
7. Monitoring polena na području Zeničko-dobojskog kantona,
8. Izrada strategije ruralnog razvoja Zeničko-dobojskog kantona 2020-2024;

II REALIZACIJA PROGRAMA

Institut za zdravlje i sigurnost hrane Zenica dostavio je Izvještaj o realizaciji projekata Instituta za zdravlje i sigurnost hrane u 2019. godini broj: 02-3343/19 od 23.12.2019. godine. Ministarstvo za poljoprivredu, šumarstvo i vodoprivredu je postupajući u skladu sa Programom utroška sredstava za projekte Instituta za zdravlje i sigurnost hrane Zenica u 2019. godini koji je usvojen Zaključkom Vlade Zeničko-dobojskog kantona broj: 02-14-13336/19 od 30.08.2019. godine predložilo, a Vlada Zeničko-dobojskog kantona je donijela Odluku broj: 02-14-18791/19 od 27.12.2019. godine, o odobravanju isplate sredstava u iznosu od 200.000,00 KM za izvršenu realizaciju Programa i to:

1. Kontrola i praćenje zoonoza na području Zeničko-dobojskog kantona

Sredstva u iznosu od 27.579,00 KM utrošena su na provođenje edukacije-informisanje opće populacije putem medija (printani i elektronski). Distribuirano je 3000 primjeraka printanih edukativnih materijala. Oko 200 elektronskih medija je prenijelo informacije. Upoznavanje stručne javnosti sa važnošću primjene koncepta OneHealth – Jedno Zdravlje kroz stručni skup kojemu je pristustvovalo oko 100 stručnjaka raznih profila. Provedena je edukacija stručne javnosti na problematiku zoonoza, a posebno antimikrobne rezistencije. Edukacijom je bilo

obuhvaćeno oko 140 stručnjaka raznih profila.

Podizanje svijesti i znanja farmera u oblasti pravilne upotrebe pesticida kroz edukaciju kojom je obuhvaćeno 30 farmera sa područja Visokog, te podizanje svijesti i znanja farmera u oblasti uvođenja standarda HACCP u proizvodnji mlijeka kroz edukaciju kojom je obuhvaćeno 30 farmera sa područja općine Visoko. Ispitivanjem antimikrobne rezistencije predstavlja prvo takvo istraživanje u BiH prema smjernicama EUCASTA (European Committee on Antimicrobial Susceptibility Testing). Time je laboratorij Instituta dospio u sam vrh ove dijagnostike u BiH.

2. Razvoj pčelarstva u Zeničko-dobojskom kantonu

Sredstva u iznosu od 12.606,00 KM utrošena su na organizaciju seminara „Perspektive i razvoj pčelarstva“ koji je imao cilj povećati znanje i informisanost oko 120 pčelara sa područja Kantona. Dodatnom distribucijom informacija uticalo se na stepen informisanosti i svijesti pčelara i opće populacije o zaštiti pčela, značaju i upotrebi pčelinjih proizvoda putem oko 200 elektronskih medija. Prezentirana su dostignuća Instituta u oblasti pčelarstva na međunarodnom skupu „4. kongres pčelarstva u Sarajevu“, gdje je preko 200 učesnika informisano o dostignutom kapacitetu Instituta. Na međunarodnom skupu „Dani meda i maline“ u Žepču preko 200 posjetilaca je kroz prezentaciju Instituta dobilo saznanje o laboratorijskim i stručnim kapacitetima.

3. Javnozdravstveni aspekt klanja životinja u domaćinstvu,

Sredstva u iznosu od 9.723,00 KM su utrošena u štampanje i distribuciju letaka (3000 komada), davanje izjave koje su emitovane na oko 150 elektronskih medija, podizanje svijesti građana koji su se odlučili da ove godine „zakolju kurban“ i da pri tome vode računa o zdravstvenom stanju životinja koje su namijenjene za „žrtvovanje“, uputstava o načinu čuvanja i distribucije kurbanskog mesa, te o potrebi adekvatnog zbrinjavanja animalnog otpada.

Obavljene su posjete i savjetovanja sedam većih primalaca donacija kurbanskog mesa u cilju unapređenja i poboljšanja prakse prijema i čuvanja kurbanskog mesa. Najveći iskorak je učinjen u Kantonalnoj bolnici Zenica koja je u potpunosti revidirala svoj sistem prijema i čuvanja kurbanskog mesa, čime je postignuta znatno veća iskorištenost tog mesa, kao i zaštite zdravlja korisnika.

4. Integracija i održavanje akreditacije laboratorija u skladu sa evropskim normama i standardom BAS EN ISO 17025

Sredstva u iznosu od 131.161,00 KM utrošena su u realizaciju svih mjera koje su propisane standardom ISO 17025 čime je Institut osigurao visok stepen pouzdanosti rezultata laboratorijskih ispitivanja kao podrška proizvođačima hrane na području Kantona i šire, te i sigurnosti građana koji konzumiraju hranu. Kako je akreditacija po standardu ISO 17025 uslov za rad laboratorija, ovim aktivnostima je osigurana održivost laboratorija. Obim usluga na godišnjem nivou akreditovanih laboratorija, zahvaljujući akreditaciji je u 2019. godini za 60% veći od onog iz 2017. godine (na početku akreditacije), što iznosi preko 175.000 KM dodatnog prihoda na godišnjem nivou. Porast obima usluga akreditovanih laboratorija pratio je i porast pružanja drugih usluga Instituta.

5. Suzbijanje ambrozije na Zeničko-dobojskom kantonu

Sredstva u iznosu od 4.948,00 KM utrošena su na distribuciju 5000 letaka „Mjere za sprečavanje širenja i uništavanje ambrozije“ kako bi se uticalo na svijest vlasnika i posjednika zapuštenih zemljišta, te o potrebi uništavanja ambrozije kao biljke koja ima jako visok

alergogeni potencijal. Isti materijal je distribuiran i putem elektronskih medija, čime je broj osoba obuhvaćenim edukacijom znatno povećan.

6. Održiva upotreba pesticida

Sredstva u iznosu od 3.317,00 KM utrošena su u izradu i distribuciju 5000 letaka „Koraci sigurne primjene fitofarmaceutskih sredstava za zaštitu bilja“ što je uticalo na informisanost i svijest proizvođača hrane kada je u pitanju održiva upotreba pesticida, a što bi trebalo rezultirati manjom upotrebom pesticida i manjim prisustvom pesticida u gotovim proizvodima.

Distribucijom 5000 letaka „Zaštita pčela i drugih korisnih insekata prilikom tretmana zasada malina“ informisana je javnost kako bi se uticalo na svijest proizvođača maline po pitanju održive upotrebe pesticida, ali i zaštitile pčele i drugih korisni insekti.

7. Monitoring polena na području Zeničko-dobojskog kantona

Sredstva u iznosu od 3.638,00 KM utrošena su za nabavku uređaja za identifikaciju polena, čime su stvoreni uslovi za praćenje raširenosti polena, da se izvrši njegova identifikacija po vrstama i periodu javljanja. Uz dodatnu nabavku još dva uređaja stvorile se mogućnosti za prikupljanje potrebnih informacija za izradu polenske karte Zeničko-dobojskog kantona i tako informisali građani koji imaju problema sa polenskim alergijama, da prilagode svoje aktivnosti u cilju izbjegavanja ili smanjenja alergijskih reakcija.

Ovaj monitoring će omogućiti identifikaciju područja sa određenim polenom što bi trebalo olakšati lociranje biljki kao što je ambrozija, koje se trebaju uništavati kako bi se smanjio njihov alergijski potencijal.

8. Izrada strategije ruralnog razvoja Zeničko-dobojskog kantona 2020-2024

Sredstva u iznosu od 28.701,00 KM su odobrena za izradu Strategije ruralnog razvoja Zeničko-dobojskog kantona 2020-2024. Obzirom da je izrada Strategije ruralnog razvoja u 2019. godini u početnoj fazi izrade kada se radi analiza stanja i analiza potencijala, ne može se odmah očekivati širi efekt, osim kvalitetne pripreme (analiza stanja i potencijala) za izradu kvalitetnog i provodivog dokumenta Strategije.

III OCJENA STANJA, POSTIGNUTIH REZULTATA I PROGRAMSKA ORIJENTACIJA

Realizacijom ovog Programa provedena su istraživanja prisutnosti i rasprostranjenosti zoonoza na području Zeničko-dobojskog kantona čime su stvorene pretpostavke za bolje planiranje preventivnih mjera i izradu kvalitetnih Programa zdravstvene zaštite životinja i javnog veterinarskog zdravstva. Ujedno je podignuta svijesti kod određenog broja ljudi/proizvođača o uticaju zoonoza na proizvodnju, zdravlje, geografsko porijeklo, autohtonost proizvoda.

U oblasti pčelarstva ostvaren je pomak u organizaciji pčelara i pčelarskih udruženja kroz okupljanje pčelara, predstavnika udruženja, ali i stručnjaka koji brinu o zdravlju pčela, kvalitetu njihovih proizvoda, te zdravlju ljudi.

Podignut je nivo znanja i svijesti kod svih učesnika koji provode klanje životinja u domaćinstvu kao i učesnika lova, sa naglaskom veterinarsko-zdravstveni aspekt i značaj dobre higijenske prakse, a sve u cilju smanjenja rizika po zdravlje ljudi.

Osposobljeni su veterinarski laboratoriji i zadržani su kriteriji akreditacije prethodno usvojenih metoda dijagnostičkih ispitivanja u skladu sa standardom BAS EN ISO 17025.

Uspostavljena je efikasnija kontrola širenja invazivne biljne vrste (*Ambrosia artemisiifolia* L.) čime je smanjen broj lica koja su imala manifestaciju alergijskih reakcija na ambroziju. Stvoreni su uslovi za bolju zaštitu usjeva, poljoprivrednog i ostalog zemljišta.

Ostvaren je viši nivo znanja o principima Integralne zaštite bilja, o sigurnoj primjeni FFS (fitofarmaceutskih sredstava) prilikom tretiranja kulturnih biljaka, a stim u vezi i bolji nivo znanja o zaštiti pčela i drugih neciljanih organizama prilikom upotrebe FFS, posebno prilikom prskanja maline i drugih voćnih vrsta, kada najviše dolazi do trovanja i potpunog nestajanja pčelinjih zajednica.

Stvorene su mogućnosti da se osobama alergičnim na polen obezbijedi redovno informisanje o stanju i prognozi alergenog polena u vazduhu kao i pružanje preporuka i savjeta u cilju smanjenja broja osoba sa tegobama zbog polena.

Izradom Strategije ruralnog razvoja Zeničko-dobojskog kantona 2020-2024 u narednom periodu bi bili stvoreni uslovi i pretpostavke za ekonomski i društveni razvoj Zeničko-dobojskog kantona zasnovan na održivom iskorištavanju prirodnih resursa i ravnomjernom razvoju gradskih i seoskih sredina.

IV REALIZACIJA SREDSTAVA – REKAPITULACIJA

1.	Kontrola i praćenje zoonoza na području Zeničko-dobojskog kantona	27.579,00 KM
2.	Razvoj pčelarstva u Zeničko-dobojskom kantonu	12.606,00 KM
3.	Javnozdravstveni aspekt klanja životinja u domaćinstvu	9.723,00 KM
4.	Integracija i održavanje akreditacije laboratorija u skladu sa evropskim normama i standardom BAS EN ISO 17025	131.161,00 KM
5.	Suzbijanje ambrozije na Zeničko-dobojskom kantonu	4.948,00 KM
6.	Održiva upotreba pesticida	3.317,00 KM
7.	Monitoring polena na području Zeničko-dobojskog kantona	3.638,00 KM
8.	Izrada strategije ruralnog razvoja Zeničko-dobojskog kantona 2020-2024	28.701,00 KM
UKUPNO :		221.673,00 KM

Planom Budžeta Zeničko-dobojskog kantona za 2019. godinu za tekući transfer za Institut za zdravlje i sigurnost hrane Zenica za projekte planiran je iznos od 200.000,00 KM, a realizacijom aktivnosti sadržanih u Programu utroška sredstava Budžeta za projekte Instituta za zdravlje i sigurnost hrane Zenica u 2019. godini utrošena su sredstva u iznosu od 221.673,00 KM. Vlada Zeničko-dobojskog kantona je Odlukom broj: 02-14-18791/19 od 27.12.2019.godine odobrila isplatu u iznosu od 200.000,00 KM dok je ostatak utrošenih sredstava obezbjedio Institut iz svojih sredstava, kako je to predviđeno tačkom III. Zaključka o usvajanju Programa utroška sredstava Budžeta za projekte Instituta za zdravlje i sigurnost hrane Zenica u 2019. godini, broj: 02-14-13336/19 od 30.08.2019.godine.

MINISTAR

Mirnes Bašić

Obradivač akta: Suljo Kartal